



ӨВӨРХАНГАЙ АЙМГИЙН
ЗАСАГ ДАРГЫН ЗАХИРАМЖ

2019 оны 05 сарын 10 өдөр

Дугаар А/314

Арвайхээр

Автозам, замын байгууламжийг түр
хаах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.1.3-ын "а", 29.2, Гамшгаас хамгаалах тухай хуулийн 32 дугаар зүйлийн 32.1.1, Авто замын тухай хуулийн 9 дүгээр зүйлийн 9.1 дэх заалтыг тус тус үндэслэн ЗАХИРАМЖЛАХ нь:

1. Цаг агаарын нөхцөл байдлаас шалтгаалан хүчтэй цасан шуурга шуурч, зам даваа хаагдаж, авто тээврийн хэрэгсэл зорчиход аюултай нөхцөл байдал үүссэн тул Арвайхээр-Улаанбаатар чиглэлийн А0301 болон бусад хот хоорондын чиглэлийн автозам, замын байгууламжийг 2019 оны 5 дугаар сарын 10-ны өдрийн 21 цагаас эхлэн цаг агаарын нөхцөл байдал сайжирч, автозамаар аюулгүй зорчих боломжтой нөхцөл бүрдэх хүртэл түр хааж авто тээврийн хэрэгслийн хөдөлгөөнийг зогсоосугай.

2. Захирамжийг хэрэгжүүлж ажиллахыг аймгийн Цагдаагийн газар (О.Ганбат), Автотээврийн төв (З.Балданням)-д тус тус үүрэг болгосугай.

3. Түр хаагдсан замуудыг цэвэрлэж, авто тээврийн хэрэгслийн аюулгүй зорчих нөхцөл бүрдүүлэх арга хэмжээ авч ажиллахыг "АЗЗА" ТӨХК (Д.Лхам-Оролмаа)-д даалгасугай.

4. Захирамжийн хэрэгжилтэнд хяналт тавьж ажиллахыг Онцгой байдлын газар (Д.Эрдэнэбат)-д үүрэг болгосугай.

ЗАСАГ ДАРГА Г.ГАНБОЛД



011100685